

第五〇一冊

博物彙編

神異典

僧部

（卷）
二七—五

古今圖書集成

中華書局影印

欽定古今圖書集成博物彙編神異典
第一百三十七卷目錄

僧部列傳十三

北魏

法果

師賢

曇曜

僧朗

僧懿

道辯

菩提流支

曇鸞

超達

明琛

道泰

河禿師

道臻

法真

佛陀禪師

惠始

慧達

法建

僧意

道登

志湛

勒那漫提

法力

曇無最

慧疑

僧照

檀特師

道寵

神異典第一百三十七卷
僧部列傳十三

北魏

法果

按魏書釋老志皇始中趙郡有沙門法果誠行精至開演法籍太祖聞其名詔以禮徵赴京師後以爲道人統攝攝僧徒每與帝言多所慙允供施甚厚至太宗彌加崇敬末與中前後授以輔國宜城子忠信侯安成公之號皆固辭帝常親幸其居以門小狹不容輿輦更廣大之年八十餘泰常中卒末殯帝三臨其喪追贈老壽將軍趙胡靈公初法果每言太祖明敕好道即是當今如來沙門宜應盡禮遂常致拜謂人曰能鴻道者人主也我非拜天子乃是禮佛耳法果四十始爲沙門有子曰猛詔令襲果所加爵

惠始

按魏書釋老志世祖初平赫連昌得沙門惠始姓張家本清河聞羅什出新經遂詣長安見之觀習經典坐禪於白渠北晝則入城聽講夕則還處靜坐三輔有識多宗之劉裕滅姚泓留子義真鎮長安義真及寮佐皆敬重焉義真之去長安也赫連屈丐追敗之道俗少長咸見坑戮惠始身被白刃而體不傷衆大怪異言於屈丐屈丐大怒召惠始於前以所持寶劍擊之又不能害乃懼而謝罪統萬平惠始到京都多所訓導時人莫測其述世祖甚重之每加禮敬始自習禪至於沒世稱五十餘年未嘗寢臥或時跣行雖履泥塵初不汙足色愈鮮白世號之曰白脚師大延中臨終于八角寺齊潔端坐僧徒滿側凝泊而絕停

慧達

按魏書釋老志沙門師賢本嚴賓國王種太子道東遊涼城涼平赴京罷歸法時師賢假爲醫術還經而守道不改于修復日即反沙門其同輩五人帝乃親爲下髮師賢仍爲道人統

慧達

按續高僧傳慧達姓劉名卒和咸陽東北三城定陽稽胡也先不事佛目不識字兒頑勇健多力樂行獵射爲梁城突騎守於襄陽父母兄弟三人並存居家大富豪侈鄉閭縱橫不理後因酒會遇疾命終備觀地獄衆苦之相廣有別傳具詳聖迹達後出家住於文成郡今慈州東南高平原即其生地見有廟像戎夏敬禮處於治下安民寺中至魏太延元年流化將訖便事西返行及涼州番禾郡東北望御谷而遙禮之人問其故達云此崖當有像現若靈相聞備則世樂時康如其有關則世亂民苦達行至肅州酒泉縣城西七里石澗中死其骨並碎如葵子大可穿之今在城西古寺中塑像於上寺有碑云吾非大聖遊化爲業文不具矣爾後八十七年至正光初忽天風雨雷震山裂挺出石像舉身丈八形相端嚴唯無有首登即選石命工彫鑿別頭安訖還洛因遂住之魏道陵遲其言驗矣逮周元年治涼州城東七里澗忽有

屍十餘日坐既不改容

內至真君六年制城內

始死十年矣開殯儼然

莫不感動中書監高允

立石精舍圖其形像

師賢

按魏書釋老志沙門師賢本嚴賓國王種太子道東遊涼城涼平赴京罷歸法時師賢假爲醫術還經而守道不改于修復日即反沙門其同輩五人帝乃親爲下髮師賢仍爲道人統

慧達

按續高僧傳慧達姓劉名卒和咸陽東北三城定陽稽胡也先不事佛目不識字兒頑勇健多力樂行獵射爲梁城突騎守於襄陽父母兄弟三人並存居家大富豪侈鄉閭縱橫不理後因酒會遇疾命終備觀地獄衆苦之相廣有別傳具詳聖迹達後出家住於文成郡今慈州東南高平原即其生地見有廟像戎夏敬禮處於治下安民寺中至魏太延元年流化將訖便事西返行及涼州番禾郡東北望御谷而遙禮之人問其故達云此崖當有像現若靈相聞備則世樂時康如其有關則世亂民苦達行至肅州酒泉縣城西七里石澗中死其骨並碎如葵子大可穿之今在城西古寺中塑像於上寺有碑云吾非大聖遊化爲業文不具矣爾後八十七年至正光初忽天風雨雷震山裂挺出石像舉身丈八形相端嚴唯無有首登即選石命工彫鑿別頭安訖還洛因遂住之魏道陵遲其言驗矣逮周元年治涼州城東七里澗忽有

屍十餘日坐既不改容

內至真君六年制城內

始死十年矣開殯儼然

莫不感動中書監高允

光現徹照幽顯觀者異之乃像首也便奉至山巖安之宛然符會儀容彫缺四十餘年身首異所二百餘里相好還備太平斯在保定元年置為瑞像寺焉乃有燈光流照鐘聲飛響相續不斷莫測其由建德初年像首頻落大冢宰及齊王躬往看之乃令安處夜落如故乃經數月更以餘物為頭終墜於地後滅佛法僅得四年鄰國殄喪識者察之方知先監雖遭廢除像猶特立開皇之始經像大弘莊飾尊儀更崇寺宇大業五年煬帝躬往禮敬厚施重增榮麗因改舊額為感通寺焉故模寫傳形量不可測約指丈八臨度衆異致令發信彌增日新余以貞觀之初歷遊關表故謁達之本廟圖像儼肅日有隆敬自石隔慈丹延綏威鳳等州並圖寫其形所在供養號為劉師佛焉因之懲革胡姓奉行誠約者殷矣見姚道安製像碑

曇曜附墓誌

按魏書釋老志沙門曇曜有操尚又為恭宗所知禮佛法之滅沙門多以餘能自效還俗求見曜誓欲守死恭宗親加勸喻至於再三不得已乃止密持法服器物不暫離身聞者歎重之曇曜以復佛法之明年自中山被命赴京值帝出見於路御馬前銜曜衣時以為馬識善人帝後奉以師禮曇曜白帝於京城西武州塞鑿山石壁開窟五所鑄建佛像各一高者七十尺次六十尺彫飾奇偉冠於一世曇曜奏平齊戶及諸民有能歲輸穀六十斛入僧曹者即為僧祇戶粟為僧祇粟至於儉歲賑給饑民又請民犯重罪及官奴以為佛圖戶以供諸寺灑掃歲兼營田輸粟高

宗並許之於是僧祇戶粟及寺戶徧於州鎮矣曇曜又與天竺沙門常那邪舍等譯出新經十四部又有沙門道進僧超法存等並有名於時演唱諸典按續高僧傳曇曜未詳何許人也少年出家攝行堅貞風聲聞約以元魏和平年任兆臺昭元統綏轉僧衆妙得其一住恆安石窟通樂寺即魏帝之所造也去恆安西北三十里武周山谷北面石崖就而鑄之建立佛寺名曰靈巖龕之大者舉高二十餘丈可受三千許人而別鑄像窮諸巧麗龕別異狀駭動人神櫛比相連三十餘里東頭僧寺恆供千人碑碣見存未卒陳委先是太武皇帝太平眞君七年司徒崔浩邪佞諛詞令帝崇重道士寇謙之拜為天師珍敬老氏虔劉釋種焚毀寺塔至庚寅年太武威致癘疾方始開悟兼有白足禪師來相啓發帝既心悔誅夷崔氏至壬辰年太武云崩子文成立即起塔寺搜訪經典毀法七載三寶還興曜慨前陵廢欣今重複故於北臺石窟集諸德僧對天竺沙門譯付法藏傳并淨土經流通後賢意存無絕時又有沙門曇靖者以創開佛日舊譯諸經並從梵蕩人間誘導憑準無因乃出提謂波利經二卷意在通悟而言多妄習故其文云東方泰山漢言岱嶽陰陽交代故謂代嶽出於魏世乃曰漢言不辯時代斯一妄也太山即此方言乃以代嶽譯之兩語相翻不識梵魏斯二妄也其例甚衆具在經文尋之可領舊錄別有提謂經一卷與諸經語同但增加五方五行同石椁金疑成偽耳並不測其終隋初開皇闢壤往往民間猶習提謂已義各持衣鉢月再興齋儀範正律遞相監檢甚具翔集云

法建

按續高僧傳法建者廣漢雒縣人也俗姓朱氏誦經一千卷仍多閑暇遊遨遊俗無所異焉忽夜閉門則累日不出無所食矣唯聞誦經然小聲吟諷音不外微有人倚壁竊聽臨響但聞聲溜溜似伏流之吐波時乃一出追從無聞武陵王東下令弟規守益州魏遣將軍尉遲迴來伐蜀規既降款城內大有名僧皆被拘禁至夜忽有光明迴遣人尋光乃見諸僧並睡唯法建端坐誦經光從口出迴聞自到建所頂禮坐聽至旦始休迴問曰法師昨夜所誦名作何經答曰華嚴經下卷十卷迴曰何不從頭誦之答曰貧道誦大到此耳迴曰法師誦得幾許答曰貧道發心欲誦一藏情多懈怠今始得千卷迴驚疑不信將欲試之曰屈總誦一遍應不勞損耶建報曰讀誦經典沙門常事豈憚勞苦乃設高座令諸僧衆並執本遂聽法建登座為誦或似急流之注峻壑其吐納音句呼喻氣息或類清風之入高松聰明者纔聞餘音情疎意逸者空望塵躅七日七夜數已滿千猶故不止迴起謝曰弟子兵將不得久停請從此辭諸僧因並釋散迴既出歎息曰如來稱滅之後阿難難為總持豈能過此蜀中乃有如此人所以常保安樂奇哉奇哉建年八十終

僧朗

按續高僧傳僧朗涼州人魏虜攻涼城民素少乃逼斥道人用充軍旅除別兼之及贖贖所擬舉城同隊收登城僧二千人至軍將魏主所謂曰道人當坐禪行道乃復作賊深當顯戮明日斬之至期食時赤氣

數丈貫日直度天師危謀之爲帝所信奏曰上天降異正爲道人實非本心願不須殺帝弟赤堅王亦同謙請乃下敕止之猶虜掠散役徒唯明等數僧別付帳下及魏軍東還期與同學中路共叛陣防嚴設更無走處東西絕壁莫測淺深上有大樹旁垂崖側遂以鼓旗竿繩繫樹懸下時夜大閣崖底純棘無安足處欲上岸頭復恐軍覺投計懷惶提繩懸住勢非支久共相謂曰今厄至矣唯念觀世音耳便以頭叩石一心專注須臾光明從日處出通照天地乃見棘中有得下處因光至地還忽聞冥知是神也相慶感遇便就以眼良久方曉始聞軍衆驚覺將發而山谷萬重不知出路唯望日行值一大虎出在其前相謂曰雖脫前難復入虎口期曰不如君言正以我等有感所以現光今遇此虎將非聖人示路也於是二人徑詣虎前虎即前行若期少遲虎亦暫住至曉遂得出路而失虎所在便隨道自進七日達於仇池又至梁漢出於荊州不測其終

僧意

按續高僧傳僧意不知何人貞確有思力每登座講說輒天華下散在於法座元魏中住泰山朗公谷山寺聚徒教授迄於暮齒精誠不倦寺有高麗像相國像胡國像女國像吳國像崑崙像佉像京像如此七像並是金銅俱陳寺堂堂門常開而鳥獸無敢入者至今猶爾故靈裕像讚云應感而來誠無指屬豈神通冥著理隔尋常之義乎意奉法自資束躬供養將終前夕有一沙彌死來已久見形禮拜云違奉已來常爲天帝驅使栖惶無暇廢修道業不久天帝請師講

經願因一言得免形苦意便洗浴焚香端坐靜室候待時至及期果有天人來入寺及房冠服羽從偉麗殊特衆僧初見但謂是何世貴人入山恭謁不生驚異及至爾日無疾而逝方知靈感其都講住在兗州自餘香火咀匿散在他邑後試檢勘皆同日而終焉有說云僧意志湛即期公同侶前傳闕之故今輯綴湛得因果其塔見存在泰山靈巖寺側見別傳

僧懿

按魏書京兆王子推傳子推子太興襲拜長安鎮都大將以贖貨削除官爵後除祕書監還復前爵拜統萬鎮將改封西河後改鎮爲夏州仍以太興爲刺史除守衛尉卿初太興遇思諸沙門行道所有資財一時布施乞求病愈名曰散生齋及齋後僧皆四散有一沙門方云乞齋餘食太興戲之曰齋食既盡惟有酒肉沙門曰亦能食之因出酒一斗羊脚一隻食盡猶言不飽及辭出後酒肉俱在出門追之無所見太興遂佛前乞願向者之師當非俗人若此病得差即拾王爵入道未幾便愈遂請爲沙門表十餘上乃見許時高祖南討在軍詔皇太子於四月八日爲之下髮施帛二千匹既爲沙門更名僧懿居嵩山太和二十二年終

道登

按魏書釋老志沙門道登雅有義業爲高祖眷賞恆侍講論會於禁內與帝夜談同見一鬼二十年卒高祖其悼惜之詔賜帛一千匹又設一切僧齋并命京城七日行道又詔朕師登法師奄至祖背痛相摧慟不能已已比業治慎喪未容即赴便準師義哭諸門

外續素之

按續高僧傳道登姓芮東莞人聰警異倫殊有信力聞徐州有僧業者雅明經論挾策從之研綜涅槃法華勝鬘後從僧淵學究成論年造知命譽動魏都北土宗之累信徵請登問同學法度曰此請可乎度曰此國道學如林師匠百數何世無行藏何時無通塞十方含靈皆應度脫何容盡期南國相勸行矣如懸遠拂衣廬阜曇諦絕迹崑山彭城劉道民辭事就開斯並自是一方何必盡命虛想巖穴遠追巢許縱復如此終不離小乘之議豈欲使人在我先道不益世者哉隨方適化爲物津梁不亦快乎登即受請度亦隨行及到洛陽君臣僧尼莫不賓禮魏主遣登昆季策授榮爵以其本姓不華改芮爲耐諱說之盛四時不輟未趣恆獄以息浮競學侶追隨相仍山舍不免談授遂終於報德寺焉春秋八十有五即魏景明年也

道辯附錄 亡名

按續高僧傳道辯姓田氏范陽人有別記云著柄攀錫入於母胎因而生焉天性疎朗才術高世雖曰耳聾及對孝文不爽帝旨由是榮觀顯美遠近欽茲剖定邪正開釋封滯是所長也初住北臺後隨南遷道光河洛魏國有經號大法尊王八十餘條盛行於世辯執讀知僞集而焚之將欲廣注衆經用通釋典筆置聽架鳥遂銜飛見此異徵便寢斯作但注維摩勝鬘金剛般若小乘義章六卷大乘義五十章及申元照等行世有弟子曇末以名二人末潛遁自守隱黃龍山撰搜神論隱士儀式以名文筆雄健負才倣俗

辯杖之而徙於黃龍初無恨想而晨夕遙禮云

志湛

按續高僧傳志湛齊州山往人是朗公曾孫之弟子也立行純厚省事少言仁濟為務每遊諸禽獸而羣不為亂住人頭山遂谷中街草寺寺即宋求那跋摩之所立也誦讀法華用為常業將終之日沙門寶誌奏梁武曰北方山往縣人頭山街草寺須陀洹果聖僧者今日入涅槃揚都道俗聞誌此告皆遙禮拜故湛之亡也寂無餘憾端然氣絕兩手各舒一指有西天竺二僧解云若二果者舒兩指驗湛初果也還收葬於人頭山築塔安之石灰泥塗鳥獸不敢陵汗今猶存焉又范陽五侯寺僧失其名常誦法華初死之時權殯堤下後遷改葬骸骨並枯唯舌不壞雍州有僧亦誦法華隱於白鹿山感一童子常來供給及死置屍巖下餘骸枯朽唯舌如故齊武成世并州東看山側有人掘地見一處土其色黃白與傍有異尋見一物狀如兩臂其中有舌鮮紅赤色以事聞奏帝問諸通人無能知者沙門大統法上奏曰此持法華者六根不壞報耳誦滿千遍其徵驗乎乃敕中書舍人高珍曰卿是信向之人自往看之必有靈異宜遷置淨所設齋供養珍奉敕至彼集諸持法華沙門執爐潔齋遶旋而呪曰菩薩涅槃年代已遠像法流行幸無謬者請現感應纔始發聲此之唇舌一時鼓動雖無響聲而似讀誦諸同見者莫不毛豎珍以狀聞詔以石函藏之遷於山室又元魏北代乘禪師者受持法華精勤匪懈命終托河東薛氏為第五子生而能言自陳宿世不願處俗其父任北泗州刺史隨任便往

中山七帝寺尋得本寺弟子語曰汝頗憶從我渡水往狼山不乘禪師者我身是也房中靈几可送除之父母恐其出家便與納室爾後忘宿命之事而常與厭離端拱靜居又太和初年代京聞官自慨利餘不逮人族奏乞入山修道有敕許之乃齋一部華嚴晝夜讀誦禮悔不息夏首歸山至六月末髭鬚盡生復丈夫相遙狀奏聞高祖信敬由來忽見驚訝更增常日於是大代之國華嚴一經因斯轉盛並見侯君素旌異記

菩提流支

附實意 梵定 法華 普希 智賢 藏解 法希 慧顯

按續高僧傳菩提流支魏言道希北天竺人也遍通三藏妙入總持志在弘法廣流視聽遂挾道宵征遠莅葱左以魏永平之初來遊東夏宣武皇帝下敕引勞供擬殷華處之永寧大寺四事將給七百梵僧救以流支為譯經之元匠也流支奉敕創翻十地宣武皇帝命章一日親對筆受然後方付沙門僧辯等訖盡論文佛法隆盛英偶蔚然相從傳受孜孜如也帝又敕清信士李廓撰衆經錄廊學通元素條貫經論雅有標擬故其錄云三藏流支自洛及鄴爰至天平二十餘年凡所出經三十九部一百二十七卷即佛名楞伽法集深密等經勝思惟大寶積法華涅槃等論是也並沙門僧朗道湛及侍中崔光等筆受彫又云三藏法師流支房內經論梵本可有萬夾所翻新文筆受兼本讀一間屋然其慧解與勒那相亞而神悟聰敏洞善方言兼工呪術則無抗衡矣嘗坐井口澡罐內空弟子未來無人汲水流支乃操柳枝聊搗井中密加呪祝纔始數過泉水上湧平及井欄即以鉢酌用之盥洗旁僧俱見莫測其神咸共嘉歎大聖人也流支曰勿妄褒賞斯乃術法外國共行此方不習謂為聖耳懼惑世人遂祕不傳於時又有中天竺僧勒那摩提魏云寶意博瞻之富理事兼遍誦一億偈偈有三十二字九明禪法意存遊化以正始五年初居洛邑譯十地寶積論等大部二十四卷又有北天竺僧佛陀扇多魏言覺定從正光年至元象二年於洛陽白馬寺及鄴都金華寺譯出金剛上味等經十部當翻經日於洛陽內殿流支傳本餘僧參助其後三德乃徇流言各傳師習不相詢訪帝以弘法之盛略叙由煩救三處各翻訖乃參校其間隱沒互有不同致有文旨時兼異綴後人合之共成通部初寶意沙門神理標異領牒魏詞偏盡隅奧帝每令講華嚴經披釋開悟精義每發一日正處高座忽有持笏執名者形如天官云奉天帝命來請法師講華嚴經意曰今此法席尚未停止待訖經文當從來命雖然法事所資獨不能建都講香火維那梵唄咸亦須之可請令定使者即如所請見諸講僧既而法事將了又見前使云奉天帝命故來下迎意乃含笑怡告衆辭訣奄然卒於法座都講等僧亦同時殞魂境聞見無不嗟美時又有沙門法場於洛陽譯辯意長者問經一卷雖闕傳對而是正文見法上錄又熙平元年有南天竺波羅奈城波羅門姓瞿曇氏名般若流支魏言智希從元象元年至與和末於鄴城譯正法念聖善注迴譯唯識等經論凡一十四部八十五卷沙門曇琳僧助等筆受當時有沙門菩提流支與般若流支前後出經而衆錄傳寫率多輕略各去上字

但云流支而不知是何流支說今羣錄譯目相涉難得詳定時西魏文帝大統中丞相宇文黑泰與隆釋教崇重大乘雖攝總萬機而恆揚三寶第內常供百法師尋討經論講摩訶衍又命沙門曇顯等依大乘經撰菩薩藏衆經要及百二十法門始從佛性終盡融門每日開講即恆宣述以代先舊五時教述迄今流行香火梵音禮拜唱導咸承其則雖山東江表乃稱學海儀表有歸未能逾矣至周文帝二年有波頭摩國律師撰那跋陀羅周言智賢共耶舍崛多等譯五明論謂聲醫工術及符印等並沙門智仙筆受建武帝天和年有摩勒國沙門達摩流支周言法希奉敕爲大冢宰晉陽公宇文護譯婆羅門天文二十卷又今摩伽陀國禪師闍那耶舍周言藏稱其弟子闍那崛多等於長安故城四天王寺譯定意天子問經六部沙門圓明道辯及城陽公蕭吉等筆受

曇鸞

按續高僧傳曇鸞或爲辯未詳其氏屬門人也家近五臺山神迹靈怪遠於民聽昧未志學便往尋焉備觀道蹤心神歡悅便即出家內外經籍具陶文理而於四論佛性彌所窮研讀大集經恨其詞義深密難以開悟因而注解文言過半便感氣疾權停筆功周行醫療行至汾州泰陵故墟入城東門上望青霄忽見天門洞開六欲階位上下重複歷然齊觀由斯疾愈欲繼前作願而言曰命惟危脆不定其常本草諸經具明正治長年神仙往往間出心願所指修習斯法果冠既已方崇佛教不亦善乎承江南陶隱居者方術所歸廣博弘贍海內宗重遂往從之既達梁朝

時大通中也乃通名云北國虜僧曇鸞故來奉謁時所可疑爲細作推勘無有異詞以事奏聞帝曰斯非覩國者可引入重雲殿仍從千迷道帝先於殿間却坐繩牀衣以袈裟覆以納帽鸞至殿前願望無承對者見有施張高座上安几拂正在殿中傍無餘座徑往昇之暨佛性義三命帝曰大檀越佛性義深略已標叙有疑賜問帝却納帽便以數關往復因曰今日向晚明須相見鸞從座下仍前直出詰曲重啓二十餘門一無錯誤帝極歎訝曰此千迷道從來舊時往還疑阻如何一度遂乃無迷明且引入太極殿帝降階禮接問所由來鸞曰欲學佛法恨年命促減故來遠造閑隱居求諸仙術帝曰此做世道隱者比屢徵不就任往造之鸞尋致書通問陶乃答曰去月耳聞音聲茲辰眼受文字將由頂禮歲積故使眞應來儀正爾整拂藤蒲具陳花水端襟微思許聆警錫也及眉山所接對欣然便以仙方十卷用酬遠意還至浙江有鮑郎子神者一鼓湧浪七日便止正值波初無由得度鸞便往廟所以情祈告必如所請當爲起廟須臾神即見形狀如二十來告鸞曰若欲度者明且當得願不食言及至明長壽猶鼓怒纔入船裏帖然安靜依期達帝具述由緣有勅爲江神更起靈廟因即辭還魏境欲往名山依方修治行至洛下逢中國三藏菩提流支鸞往啓曰佛法中頗有長生不死法勝此土仙經者乎流支唾地曰是何言歟非相比也此方何處有長生不死法縱得長年少時不死終終輪迴三有耳即以觀經授之曰此大仙方依之修行當得解脫生死也鸞尋頂受所齋仙方並火燒之自

行化他郡流塵弘廣魏主重之號爲神鸞焉下勅令住并州大寺晚復移住汾州北山石壁元中寺時往介山之陰聚徒蒸業今號鸞公巖是也以魏興和四年因疾卒於平遙山寺春秋六十有七臨至終日瘡花幢蓋高映院宇香氣遒勁音聲繁闐預登寺者並同闕之以事上聞勅乃葬於汾西泰陵文谷營建磚塔并爲立碑今並存焉然鸞神宇高遠機變無方言晤不思動與事會調心練氣對病識緣名滿魏都用爲方軌因出調氣論又著作王邵隨文注之又撰禮淨土十二偈續龍樹偈後又撰安樂集兩卷廣流於世仍自號爲有魏元簡大士云

勒那漫提

按續高僧傳勒那漫提天竺僧也住元魏洛京末寧寺善五明工道術時信州刺史基母懷文巧思多知天情博藝每國家營宮室器械無所不關利益公私一時之最又勅令修理末寧寺見提有異術常送餉祇承冀有聞見而提視之平平初無叙接文心恨之時洛南元武館有一蟪蛄客曾與提西域舊交乘馬衣皮時來造寺二人相得言笑抵掌彌日不解文旁見夷言不曉往復乃謂提曰弟子好事人也比來供承望師降意而全不賜一言此野人耳何足可尚不期對面遂成彼此提曰爾勿輕他縱使讀萬卷書事用未必相過也懷文曰此有所知當與角伎賭馬提曰爾有何耶曰籌術之能無問望山臨水懸測高深圍圖踏客不舛升合提笑而言曰此小兒戲耳庭前有一棗樹極大子實繁滿時七月初悉已成就提仰視樹曰爾知其上有幾許子乎文怪而笑曰籌者

所知必依鉤股標准則天文地理亦可推測草木繁
耗有何形兆計期實謬言也提指蠕蠕曰此即知之
文憤氣不信即立契賭馬寺僧老宿咸來同看具立
旁證提具告蠕蠕彼笑而承之云文復要云必能知
者幾許成核幾許瘕死無核斷許既了蠕蠕腰間皮
袋裏出一物似金秤錘穿五色線線則貫白珠以此
約樹或上或下或旁或側抽線映眼周迴良久向提
撼頭而笑連其數焉乃遣人摸子實下盡一一看閱
疑者文自剖看校量子數成不卒無欠贖因獲馬而
歸提每見洛下人遠向嵩高少室取薪者自云百姓
如許地擔負辛苦我欲暫奉取二山枕洛水頭待人
伐足乃還故去不以爲難此但數術耳但無知者誣
我爲聖所以不敢提臨欲終語弟子曰我更停五三
日往一處行汝等念修正道勿懷奢戀便寢疾閉戶
而臥弟子竊於門隙視之見提身不著牀在虛仰臥
相告同視一僧忽欬提還牀如舊遙謂曰門外是誰
何不入來我以牀熱故取涼耳爾勿怪也是後數日
便捨命矣

超達 附僧明

按續高僧傳超達未詳其氏元魏中行業僧也多學
問有知解帝禁圖讖尤急所在搜訪有人誣達有之
乃收付榮陽獄時魏博陵公檢勘窮効達以實告公
大怒以車輪繫頸嚴防衛之自知無活路專念觀世
音至夜四更忽不見車輪所在見守防者皆大昏睡
因走出外將欲遠避以久繫獄脚遂掣急不能遠行
及至天曉虜騎四出追之達惟逃必不免因伏草中
騎來闕草並靡雖從邊過對而不見仰看虜面悉以

牛皮障目達一心服死至誠稱念夜中虜去尋即得
脫又僧明道人爲北臺石窟寺主魏氏之王天下也
每疑沙門爲賊收數百僧互繫縛之僧明爲魁首以
繩急纏從頭至足冠期斬決明大怖一心念觀音至
半夜覺繩寬私心欣幸精禱彌切及曉繩索都斷既
因得脫逃遂奔山明且獄監來覓不見唯有斷繩在
地知爲神力所加也即以奏聞帝信道人不反遂一
時釋放

法力 附法智 道集 法漸

按續高僧傳法力未詳何人精苦有志德欲於魯郡
立精舍而財不足與沙彌明琛往上谷乞麻一載將
事返寺行空澤中忽遇猛火車在下風無得免理於
時法力倦眠比覺而火勢已及因舉聲稱觀未述世
音應聲風轉火焰尋滅安隱而還又沙門法智者本
爲白衣獨行大澤猛火四面一時同至自知必死乃
合面於地稱觀世音怪無火燒舉頭看火一澤之草
纖毫並盡唯智所伏僅容身耳因此感悟出家爲道
勵精翹勇衆所先之又沙門道集於壽陽西山遊行
爲二劫所得縛繫於樹將欲殺之唯念觀世音守死
而已引刀屢斫皆無傷損自怖而走集因得脫廣
傳此事又沙門法禪等山行逢賊唯念觀世音挽弓
射之欲放不得賊遂歸誠投弓於地又不能得知是
神人捨而逃走禪等誠感所在通傳並魏末人別有
觀音感應傳行世

明琛

按續高僧傳明琛齊人少遊學兩河以通鑒知譽然
經論雖富而以微難爲心當魏代釋門云盛琛有學

識遊肆而已故其雅量頗非鴻業時有智異沙門道
聲載穆遠近望塵學門若市琛不勝幽情深忌聲略
私結密交廣搜論道初爲屋子論議法立圖著經外
施名教內構言引牽引出入罔冒聲說聽言可領及
述茫然勇意之徒相從雲集觀圖望經恍若雲夢一
從指授渙若冰消故來學者先辨泉帛此屋子法入
學遂多餘有獲者不能隱秘故琛聲望少歇於前乃
更撰蛇勢法其勢若諸葛亮陣圖常山蛇勢擊頭尾
至大約若斯還以法數傍蛇比擬乍度乍却前後參
差余曾見圖極是可畏畫作一蛇可長三尺時屈時
伸傍加道品大業之季大有學之今則不行想應絕
滅初琛行蛇論遍於東川有道行者深相諫論決意
已行博爲道藝潞州上邑思弘法華乃往巖州林慮
縣洪谷寺請僧忘其各往講琛素與知識聞便往造
其人聞至中心戰灼知琛論道不可相抗乃以情告
曰此邑初信事須歸伏諸士俗等已有傾心願法師
不遺故舊共相成贊今有少衣裁輟用相奉琛體此
懷乃投絹十疋琛曰本來於此可有陵架意耶幸思
此心然不肯去欲聽一上此僧彌怖事不復已如常
上講琛最後入堂齋絹未撥在衆中曰高座法師昨
夜以絹相遺請不須論議然佛法宏曠是非須分脫
以邪法化人幾許誤諸世俗高座聞此懾怖無聊依
常唱文如疏所解琛即喚住欲論至理高座爾時神
意奔勇泰然待問琛便設問隨問便解重疊雖多無
不迴義琛精神擾攘思難無從即從座起曰高座法
師猶來問塞如何今日頓解若斯當是山中神鬼助
其念力不爾何能至耶高座合堂一時大笑琛即出

邑共伴二人投家乞食既得氣滿噎而不下二伴解喻何所評耶論議不來天常大理何因頓起如許煩惱琛不應相隨東出步步款呓登嶺困極止一樹下語二伴曰我今煩惱熱不可言意恐作蛇便解剔衣裳赤露而臥翻覆不定長展兩足須臾之間兩足忽合而爲蛇尾翹翹上舉仍自動轉語伴曰我作蛇勢論今報至矣卿可上樹蛇心若至則有吞噬之緣可急急上樹心猶未變伴便上樹仍共交語每作蛇論果至如何言語之間奄便全身作蛇唯頭未變亦不復語宛轉在地舉頭自打打仍不止遂至於碎欸作蟒頭身形忽變長五丈許舉首四視目如火星於時四面無量諸蛇一時總至此蟒舉頭去地五六尺許趨谷而下諸蛇相隨而去其伴目驗斯報至鄰說之

曇無最

按續高僧傳曇無最姓董氏武安人也靈悟洞微殯寢元秘少稟道化名垂朝野爲三寶之良將即像法之金湯也諷誦經論堅持律部偏愛禪那心虛靜謐時行汲引咸所推宗兼博貫元儒尤明論道故使七衆望塵奄有繁闡最厭世情重將捐四部行施獎誨多以戒禁爲先亟動物機信用雲布曾於邯鄲崇尊寺說戒徒衆千餘並是常隨門學至四月三十日布薩行籌依位授受常計之外及長六十最居座端深怪其異既無外衆通夕懷疑明旦重推有人見從邯鄲城西而來者並異倫大德衣服正帖翔步閑雅亦有見從鼓山東面而來或於中路逢者皆云往赴崇尊聽僧說戒如是數般節級勘其年齒相符人數多少恰滿六十焉故知道會聖心是使幽靈遐降竹林

羣隱明非妄承最德洽釋宗慶當時望後勅住洛都融覺寺寺即清河文獻王惲所建廟宇充溢周於二里最善弘敷導妙達涅槃華嚴僧徒千人常業無怠天竺沙門菩提留支見而禮之號爲東土菩薩耆讀最之所撰大乘義章每彈指唱善讚爲梵字奇傳大夏彼方讀者皆東向禮之爲聖人矣然其常以弘法爲任元魏正光元年明帝加朝服大赦請釋李兩宗上殿齋託侍中劉騰宣勅請諸法師等與道士論義時清通觀道士姜斌與最對論帝問佛與老子同時不姜斌曰老子西入化胡成佛佛以爲侍者文出老子開天經據此明是同時最問曰老子同何王而生何年西入斌曰當周定王三年在楚國陳州苦縣厲鄉曲人里九月十四日夜生簡王四年爲守藏史敬王元年年八十五見周德陵遲遂與散關令尹喜西入化胡約斯明矣最曰佛當周昭王二十四年四月八日生穆王五十二年二月十五日滅度計入涅槃經三百四十五年始到定王三年老子方生生已年八十五至敬王元年凡經四百三十年乃與尹喜西還此乃年載懸殊無乃謬乎斌曰若如來言出何文紀最曰周書異記漢法本內傳並有明文斌曰孔子制法聖人當明於佛迴無文誌何耶最曰孔氏三備上經佛之文言出在中備仁者識同管窺覽不弘達何能自達帝遣尚書令元又宜勅道士姜斌論無宗旨宜令下席又議開天經是誰所說中書侍郎魏收尚書郎祖瑩就觀取經太尉蕭綜太傅李實衛尉許白桃吏部尚書邢夔散騎常侍溫子昇等一百七十人讀訖奏云老子止著五千文餘無言說臣等所議

姜斌罪當惑衆帝時加斌極刑西國三藏法師菩提留支苦諫乃止配徒馬邑最學優程譽繼于魏史藉甚騰聲移肆通國遂使達儒朝士降階設敬接足歸依佛法中興惟其開悟後不測其終

道泰

按續高僧傳道泰元魏末人住常山衡唐精舍夢人謂曰若至某年當終於四十二矣泰心惡之及至期年遇重病甚憂悉以身資爲福友人曰余聞供養六十二億菩薩與一稱觀世音同君何不至心歸依可必增壽泰乃感悟遂於四日四夜專精不絕所坐帷下忽見光明從戶外而入見觀音足趺踞間金色朗照語泰曰汝念觀世音耶比泰奏惟須臾不復見悲喜流汗便覺體輕所患遂愈年四十四方爲同意說之後不知所終

慧凝

按宋高僧傳慧凝未知何許人也棲止洛邑而無異藝正修練心戒耳嘗得疾暴終七日而蘇起說冥間報應及見區分更無毫髮之差所觀者五沙門一是寶明寺智聖以坐禪苦行得昇天堂次一是般若寺道品以誦涅槃經四十卷同前智聖次以融覺寺曇謨最稱講涅槃華嚴經領徒千數琰摩王曰講經者心懷彼我以驕傲物比丘中第一聽行今唯試坐禪誦經最曰貧道立身已來唯好講導不能禪誦王曰付司即有青衣數輩擁送最向西北門屋舍皆黑似非好處次是禪林寺道恆唱云教導勸誘四輩檀越造一切經人中像十軀王曰沙門之體必須攝心守道志在禪誦不干世事不務喧繁雖造經像止欲得

他財物既得財物貪心即起既長貪行三毒熾然具足煩惱與最同入黑門第五是靈覺寺寶明自稱未出家時嘗作隴西太守造靈覺寺即棄官入道雖不禪誦禮拜不闕王曰卿作刺史之日曲理枉法劫奪民財假作此寺非卿之力何勞說此亦付青衣送入黑門矣疑由此省悟最先見王屬吏檢尋名籍候追攝耳時胡太后聞之遣黃門侍郎徐紇依疑之說散訪驗寺額并僧名有無奏報云城東有寶明寺城內有般若寺城西有融覺禪林靈覺三寺并智聖道品曇謨最道弘寶明等皆實有之太后稱歎久之詔請坐禪誦經者一百僧常在內殿供養焉續有詔不聽比丘持經像在街路乞索如私有財物造經像者任意疑入白鹿山隱居修道自此京邑城下比丘多修禪觀誦持大部經法焉

河禿師

按宋高僧傳河禿師者不詳何許人也魏孝昌中於晉陽市肆間行往乍愚乍智作沙門形時人不測止呼爲河禿師及齊神武誕第二子洋文宣帝也武明太后見家貧甚與觀戲言及家計正憂饑凍死耳洋洋生數月尚未能言歎言曰得活二字分明太后左右大驚而不敢言謂爲妖怪時傳禿師神異射事多中巧誘而至太后意占其兒子早言爲怪乃徧見諸子文襄魏末熙后旁以祿位歷問之至洋再三舉手指天而已口無所言若諸子皆別無舉措矣後不測其終

僧照

按續高僧傳僧照未詳氏族住泰山丹嶺寺性虛放

喜追奇每聞靈迹詭譎無不登踐承瀑布之下多諸洞穴仙聖攸止以魏普泰年行至梁山見飛流下有穴因穴隨之行可五六里便出穴外遂徵徑東北上數里得石渠闊兩三步水西流清而且激帶葉草延蔓委地渠北有瓦舍三口形甚古陋庭前穀穗縱橫鳥雀殘食東頭屋裏有數架黃秧中間有鐵臼兩具亦有釜器並附遊塵都無炊爨之迹西頭屋內有一沙門端坐儼然飛塵沒膝四望唯見茂林懸澗非復人居須臾逢一神僧年可六十眉長丈餘盤掛耳上相見欣然如舊問所從來自云我同學三人來此避世一人外行未返一人死來極久似入滅定今在西屋內汝見之未今日何姓爲主答是魏家僧云魏家享國已久不姓曹耶照云姓元僧曰我不知遂取穀穗搗之作粥又往林中葉下取梨棗與之令噉僧云汝但食我不噉此又問誦何經照云誦法華神僧領頭曰大好精進業今東屋格上如許經並自誦之欲得聞不照合掌曰唯敢聞命彼逐部別誦之聲氣朗徹乃至通夜照苦睡僧曰但睡我自恆業耳達旦不眠更爲造食照謝曰幸得奉謁今暫歸尋來接事僧亦不畱但言我同學行去汝若值者大有開悟恨不見之既言須歸好去照尋路乃得還結侶重往瀑布與穴莫測其處今終南諸山亦有斯事既多餘涉不無其理云

道臻

按續高僧傳道臻姓牛氏長安城南人出家清貞不羣非類謙虛寡交顧唯讀經博聞爲業諸法師於經義有迷忘者皆往問之西魏文帝聞而敬重尊爲師

傳達於京師立大中興寺尊爲魏國大統於時東西初亂宇文太祖始纂帝圖挾魏西奔萬途草創僧徒相聚綴旒而已既位僧統大立科條佛法載典誠其人矣爾後大乘陟帖相次而立並由陶漸德化所流又於昆池之南置中興寺莊池之內外稻田百頃並以給之梨棗雜果望若雲合及卒帝哀之廢朝喪事所資並歸天府送於園南爲立高墳壙封之地一項今所謂統師墓是也近貞觀中猶存古樹

檀特師

按宋高僧傳檀特師者一名慧豐不知何許人也身雖剌染率略無檢制飲酒喫肉語默無常逆論來事後必如言居於武威肆意狂逸時宇文仲和爲刺史請之入州歷觀鹿庫乃云何意畜他官物邪仲和不諭其旨怒之不令在城未幾仲和拒不受代朝廷令獨孤信擒之仲和身死資財沒官周文聞之降書召之檀特至岐州會齊神武來寇玉壁檀特曰狗豕能到龍門邪神武果不至龍門而還侯景未叛東魏之前忽捉一杖杖頭刻爲獼猴形令其面常向西日夜弄扇又索一角弓牽挽之俄而侯景降尋復背叛歸梁皆可徵驗至大統十七年春初忽著一布帽周文左右驚問之檀特曰汝亦著王亦著也至三月而魏文帝崩復取一白絹帽戴之左右復問之檀特曰汝亦著王亦著也未幾丞相夫人薨後復戴問對同前尋丞相第二子武邑公薨其事驗多如此也俄而病卒周文命葬之

法貞

按續高僧傳法貞不測氏族渤海東莞人九歲出家

偶秀之聲不齊凡類住魏洛下之居廣德寺爲沙門
道記弟子年十一通誦法華意所不解隨迷造問記
謂曰後來總持者其在爾乎及至年長善成實論深
得其趣修講之業卓犖標奇在於伊洛無所推下與
僧建齊名時人目建爲文句無前目爲入微獨步
貞乃與建爲義會之友道俗斯附聽衆千人隨得觀
施造像千軀分布供養魏清河王元懌汝南王元悅
並折腰頂禮諮奉戒訓會魏德衰陵女人居上毀論
日與猜忌逾積嫉德過常難免今世貞謂建曰大梁
正朝禮義之國又有菩薩應行風教宜流道法相與
去乎今年過六十朝聞夕死吾無恨矣建曰時不可
失亦先有此懷以梁普通二年相率南邁貞爲追騎
所及禍滅其身春秋六十一矣僧建清河人沙彌之
時慧俊出類及長成人好談名理與慧聰道寂法貞
等同師道記少長相攜窮研數論達明五聚解冠一
方常日講衆恆溢千人碩學通方悅其新造延談
賞以繼晷夜雖乃志誨成人而入里施化魏高陽王
元邕丞相延請累言散用祛鄙俗或清晨嘉會一
無違者輒云深恨不同其叙故聞風傾渴者遙服法
味矣後南遊帝室達於江陰住何園寺武帝好論義
旨勅集學僧於樂受殿以次立義每於寺講成濟後
業有逾於前慧聰立心閑豫解行遠聞道寂博習多
聞雅傳師業並終於魏土

道寵

按續高僧傳道寵姓張俗名爲寶高齊元魏之際國
學大儒雄安生者連邦所重時有李範張寶齊德安
席才藝所指莫不歸宗後俱任安下爲嗣年將壯室

領徒千餘至趙州元氏縣堰角寺側即今所謂應覺
是也從寺索水沙彌持與問具幾應方可飲之素不
內涉固然無對乃以水澆面寶大惡謂徒屬曰非爲
以水辱我直顯佛法難思吾今投心此道宜各散矣
即日於寺出家寺法入道三年歷試以寶聰明大博
不可拘於常制即日便與具戒送入西山廣尋藏部
神用深拔慨歎晚知魏宣武帝崇尚佛法天竺梵僧
菩提留支初翻十地在紫極殿勒那摩提在太極殿
各有禁衛不許通言校其所譯恐有浮蓋始於永平
元年至四年方訖及勒讎之惟云有不二不盡那云
定不二不盡一字爲異通共驚美若奉聖心寵承斯
問便詣留支訪所深極乃授十地曲教三冬隨聞出
疏即而開學聲唱高廣鄴下榮推時朝宰文雄魏收
邢子才楊休之等昔經寵席官學由成自遺世網形
名靡寄相從來聽皆莫曉焉寵默識之乃曰公等諸
賢既稱榮國頗曾受業有所來耶皆曰本資張氏厭
俗出家寵曰師資有由今見若此乃曰罪極深矣初
聆聲相實等昔師容儀頓改致此無悟於是同敦三
大誓此一心悲慶相循遂以聞奏以德溢時命義在
旌隆日賜黃金三兩盡於身世匠成學士堪可傳道
千有餘人其中高者僧法繼誕禮平宜儒果等是
也一說云初勒那三藏教示三人房定二十士授其心
法慧光一人偏教法律菩提三藏惟教於寵寵在道
北教罕宜四人光在道南教馮範十人故使洛下有
南北二途當現兩說自斯始也四宗五宗亦仍此起
今則闕矣輒不繫云

佛陀禪師

博物彙編神異典第一百三十七卷僧部

按續高僧傳佛陀禪師此云覺者本天竺人學務靜
攝志在觀方結友六人相隨業道五僧證果惟佛陀
無獲遂勤苦勵節如救身衣進退惟谷莫知投屑時
得道友曰修道藉機時來便冠非可斯須徒爲虛死
卿於震旦特是別緣度二弟子深有大益也因從之
遊歷諸國遂至魏北臺之恆安焉時值孝文敬隆誠
至別設禪林鑒石爲龕給徒定念國家資供倍加餘
部而徵應潛著皆異之非常人也恆安城內康家資
財百萬崇重佛法爲佛陀造別院常居室內自靜遵
業有小兒見門隙內炎火赫然驚告院主合家總萃
都無所見其通微元觀斯例衆也識者驗以爲得道
矣後隨帝南遷定都伊洛復設靜院勅以處之而性
愛幽栖林谷是託屢往嵩嶽高謝人世有勸就少室
山爲之造寺今之少林是也帝用居處四海息心之
情聞風嚮會者衆恆數百篇課出要成濟極焉時或
告衆曰此少林精舍別有靈祇衛護一立已後終無
事之由使造者彌山而僧衆豐溢洽彼至今將二百
載雖荒蕪頻整而寺業充實遠用比之佛陀無謬傳
矣時又入洛將度有緣沙門慧光年立十二在天街
井欄上反踢蹠鏑一連五百衆人誼競異而觀之佛
陀因見怪曰此小兒世戲有工道業亦應無昧意欲
引度權以杖打頭聲響清徹既善聲論知堪法器乃
問能出家否光曰固其本懷耳遂度之又令弟子道
房度沙門僧稠教其定業自化行夏更惟此兩賢得
道記之論有深疑年漸遲暮不預僧倫委諸學徒自
相成業躬移寺外別處客居一善神常隨影護亦
令設食而祠饗之後報欲終在房門之壁手畫神像

古今圖書集成
於今尚存

中華書局影印

欽定古今圖書集成博物彙編神異典
第一百三十八卷目錄

僧部列傳十四

北齊

曇顯

僧安

圓通

僧雲

眞玉

僧範

惠順

靈詢

道慎

僧達

道紀

道豐

曇隱

慧寶

僧遠

慧嵩

曇遵

道憑

法上

曇衍

僧稠

神異典第一百三十八卷

僧部列傳十四

北齊

曇顯

按續高僧傳曇顯不知何許人元魏季序遊止鄆中棲泊僧寺的無定所每有法會必涉其塵皆通諮了義隱文自餘長唱說便捨而就餘講及後解至密理顯便輒已在聽時以此奇之而觀其儀服猥藍名相非潔頗復輕削故初並不願錄唯上統法師深知

其遠識也私惠其財賄以資飲噉之調或因昏醉臥于道邊時復清卓整其神器及文宣受禪齊祚大典天保年中釋李二門交競優劣屬道士陸修靜妄加穿鑿廣制齋儀糜費極繁意在王者遵奉會梁武啓運天監三年下勅捨道帝手制疏文極周盡修靜不勝其憤遂與門人及邊境亡命叛入北齊又傾散金玉贈諸貴遊託以襟期冀與道法帝惑之也乃出勅名諸沙門與道士對校道術爾時道士呪諸沙門衣鉢或舉或轉或呪諸方梁橫豎於地者沙門曾不學方術默無一對士女擁開貴賤移心並以靜徒爲勝也靜乃高談自伐矜街道術唱言曰神通權設抑挫強侮沙門現一我當現二今薄示微術並辭屈退事亦可見帝命上統令與修靜角試上曰方術小伎俗儒恥之況出世耶雖然天命相拒豈得無言可令最下座僧對之時顯位居末席酒酣酣盛扶與登座因立而笑衆皆憚焉而是上統所遣不敢有諫顯語李宗曰向誇現術一之與二者深有致矣即於座上翹足而立曰吾已現一矣卿可現二各無言對顯曰向呪諸衣物飛舉者試卿術耳命取稠禪師衣鉢呪之皆無動搖帝勅十人舉之不動如故乃以衣置諸梁木帖然無驗諸道士等相顧無顏猶以言辯爲勝乃曰佛家自號爲內內則小也謂道家爲外外則大也顯應聲曰若然則天子處內定小羣小庶人矣靜與其衆緘口無言文宣處座自驗臧否其徒爾日皆捨邪從正求哀濟度未發心者勅令染剝故斬首者非一自號神仙者並上三爵臺令其投身飛遊悉委屍於地僞妄斯伏乃下詔曰法門不二眞宗在一求之

正路淡泊爲本祭酒道者世中假妄俗人未悟乃有祇崇麴糵是味清虛焉在胸脯斯甘慈悲末隔上異仁祠下垂祭典宜皆禁絕不復遵事頒勅遠近咸使知聞其道士歸伏者並付昭元大統上法師度聽出家於時齊境一心奉佛國無兩事迄於隋運方漸開宗至今東川此裔猶少傳者曰達化護持融尚馳名秦世小以致遠顯公著續高齊知人難哉上統揣其骨則千里駿足異世同駕以貌取人失之自古則徒飾元黃矣復何能抗禦之哉顯竟以放達流俗潛遁人世不知所之

道豐

按續高僧傳道豐未詳氏族世稱得道之流與弟子三人居相州鼓山中不求利養或云鍊丹黃白醫療占相世之術藝無所不解齊高往來并鄆常過問之應對不思隨事標準帝會命酒并蒸肥勅置豐前令遣食之豐聊無辭讓極意飽噉帝大笑亦不與言駕去後謂弟子曰除却牀頭物及發撒牀見向者蒸肥猶存都不似噉嚼處時石窟寺有一坐禪僧每日至西則東望山巔有丈八金像現此僧私喜謂觀靈瑞日日禮拜如此可經兩月後在房臥忽聞枕間有語謂之曰天下更何處有佛汝今道成即是佛也爾當好作佛身莫自輕脫此僧聞已便起持重傍視羣僧猶如草芥於大眾前側手指臂云你輩頗識眞佛不泥龕畫像語不能出屑何慮何知你見眞佛不知禮敬猶作本日期我悉墮阿鼻又眼瞋已赤叫呼無常合寺知是驚禪及未發前昇詣豐所徑問曰汝兩月已來常見東山上現金像耶答曰實見又曰汝聞

枕間遣作佛耶答曰實然豐曰此風動失心耳若不早治或在走難制便以針針三處因即不發及豐臨終謂弟子曰吾在山久令汝等有谷汲之勞今去無以相適當畱一泉與汝既無降降辛苦努力勤修道業便指甕傍去一方石遂有元泉澄映不盈不減於今見存

僧安

按續高僧傳僧安不知何人戒業精苦坐禪講解時號多能齊文宣時在王屋山聚徒二十許人講涅槃始發題有雌雄來座側伏聽僧若食時出外飲啄日晚上講依時赴集三卷未了遂絕不至衆咸怪之安曰雌今生人道不須怪也武平四年安領徒至越州行頭陀忽云往年雌雄應生在此徑至一家遙喚雌雄一女走出如舊相識禮拜歡喜女父母異之引入設食安曰此女何故名雌雄耶答曰見其初生髮如雌毛既是女故名雌雄也安大笑爲述本緣女聞涕泣苦求出家二親欣然許之爲講涅槃聞便領解一無遺漏至後三卷茫然不解於時始年十四便就講說遠近咸聽歎其宿習因斯躬勸從學者衆矣

曇隱附道業 洪理

按續高僧傳曇隱姓史河內人也少厭塵俗早遊佛寺崇奉誠約誦習羣經凡三十萬言日夜通華以爲常業及年滿受具歸宗道覆而聽律部精勵彌久穿鑿深後從光公更採精要陶染變通遂爲光部之大弟子也乃超步京鄴北悟燕趙定州刺史侯景敬若神仙爲之造寺延住供給未還漳濱聞揚斯教僕射高隆之加禮榮異行臺侯景又於鄴東爲造大行

寺重引處之弘攝戒宗五衆師仰隨問判決文義雅正時有持律沙門道業者行解相兼物望同美氣調宏逸或擬連衡故鄴中語曰律宗明略唯有隱樂其爲世重如此而隱性樂獨遊不畜弟子財無尺貯袒背終身衣鉢恆隨誠均鳥翼顧旋身轉取警衆迴通律持律時唯一人而已年六十有三終於鄴城大覺寺著鈔四卷門人成器者十餘皆宗其軌轍時有律師洪理者精氣獨架詞彩嚴正預在論擊罕不喪輪著鈔兩卷時共同祓後爲沙門智首開散詞義雅張綱目合成四卷所在咸誦云

圓通

按續高僧傳圓通不知氏族少出家泛愛通博以溫敏見稱往鄴都大莊嚴寺研誦涅槃文旨詳數以高齊武平四年夏中講下有一客僧形服疎素履操弘雅因疾乃投諸寺中僧侶以其所患纏附臭氣薰勃皆惡之無敢停者通觀其量識宏遠深異其度乃延之房中雖有穢汚初無輕憚日積情款薄通其意問何所學答曰涅槃通以素業相沿宛然若舊乃以經中深要及先德精迷未會解者並叙而談之客僧亦同其所引更爲章句判釋冷然雅有其致通欣於道合更倍苗來經理湯藥曉夕相守會於夜中持春酒一盞云客入既患服此爲佳客遂舉眉飲之一咽便止夏了病愈便辭通去通曰今授衣將逼官寺例得衣賜可待三五日間當贈一襲寒服客云藉亂不少何容更煩通固留之作衣遺已臨別執通手誡曰修道不欺闇室法師前以酒見及恐傷來意非正理也從今已往此事宜斷願曾往鼓山石窟寺不小僧住

下舍小寺正在石窟北五里當繞澗驛東有一小谷東出卽竹林寺有緣之次念相訪也通敬謝前誠當必往展於是而別至明年夏初以石窟山寺僧住者希遂減莊嚴定國典聖德持等官寺百餘僧爲一番通時爾夏預居石窟意訪竹林乃大集客主問寺所在衆皆大笑誠通勿傳此妖言竹林竟無適莫乃流俗之恆傳耳通性客僧見投非常款遇言及斯事計非虛指衆亦異焉乃各齋香花與通俱行至寺北五里小谷東出劣通人徑行可五里升於山阜見一老公手中栢額布襪短褐執饅開荒二十餘畝遙見羣僧放馬而前曰何處道人不依徑路僧云住在石窟欲上竹林公大怒曰去年官寺放馬噉我生苗我兒遮護被打幾死今復將此面目來耶電來還羣僧十餘望谷馳走獨不逐通語通曰是你干健不放使人山餓虎通卽東出數里值一曲澗尋澗又東但聞南嶺上有誦誦之聲通問竹林所在應聲答曰從何處來豈非圓通法師乎通曰是矣遂披林踰險就通通略叙離關喜滿言情曰下山小寺僧徒烏合心性動止多不稱具瞻雖然已能降重終須到寺相進數里忽見雙闕高門長廊複道修竹千雲青松蔽日門外黑漆槽長百餘尺凡有十行皆鋪百銜環金銅綺飾貯以粟豆傍有馬跡而灑掃清淨乃立通門左告曰須前諮大和尚須臾引入至講堂西軒廊下和尚坐高牀侍列童吏五六十人和尚年可七十許眉面峯秀狀類梵僧憑案理文書傍有通事者通禮謁却立和尚命曰既住官寺厚供難捨何能自屈此寺誠無可觀通具述意故乃令安置將通還房禮訊

見兩房僧各坐寶帳交絡衆飾映奪日光語引僧云彼是何人輒敢來入揮手遣去僧有慙色顧謂通曰情意不同令人阻望且就小僧住房可以消息乃將入室具叙昔緣并設中食食如鄴中常味食後引觀圖像莊嚴園池臺閣周遊歷覽不可得遍通因自陳曰儻得廁迹後塵常供灑掃生願畢矣僧曰相逢卽以爲意但須諮和尚未知果不夜與通宿曉爲語白和尚曰甚知來意不惜一房凡受官請爲報不淺依如僧法不得兩處生名今且還去除官名詎來必相客勿以爲恨卽遣送出至馬槽側顧慕流淚自傷罪重不蒙留住執僧手別西行百步迴望猶見門闕儼然步步返望更行兩里許歛見峯巒巖巖非復寺宇悵望尋路行達開荒之地了無蹤緒但有榛木耳識者評云前者舉錫舉僧假爲神怪令通獨進見示有緣耳言大和尚者將不是實頭盧耶如入大乘論尊者實頭盧羅羅等十六諸大聲聞散在諸山渚中又於餘經亦說九十九億大阿羅漢皆於佛前取壽住壽於世並在三方諸山海中守護正法今石窟寺僧每聞異鐘咽響洞發山林故知神宮仙觀不無其實余往相部尋鼓山焉在故鄣之西北也望見橫石狀若鼓形俗諺云石鼓若鳴則方隅不靜隋末屢聞其聲四海沸騰斯固非妄左思魏都賦云神鉦迢迢於高樹靈響時警於四表是也自神武遷鄴之後因山上下並建伽藍或樵採陵夷或工匠窮神人厭其誼擾捐捨者多故近代登臨罕逢靈跡而傳說竹林往往殊異良由業有精淳故感見多彩近有從鼓山東面而上遙見山巔大道列樹青松尋路達宮綺

華難紀珍木美女相次歡娛問其丈夫皆云適往少室逼暮當還更進數里並是竹林尋徑西行乃得其寺衆僧見客歡遇承迎供給食飲指其歸路乃從山西北下去武安縣不過十數里也暨周武平齊何無僧服郭東夏坊有給事郎郭彌者謝病歸家養素間巷洽開內外慈濟在懷先廢老僧悉通收養宅居讀誦忽聞有叩門者令婢看之見一沙門執錫鉢鉢云貧道住鼓山竹林寺通時乞食彌聞聲乃遙應曰衆僧但言乞食何須詐聖身自往觀四尋不見方知非常人也悔以輕肆其口故致聖者潛焉近武德初年介山抱腹巖有沙門慧休者高潔僧也獨靜修禪忽見神僧三人在佛堂側休怪之謂尋山僧也入房取坐具將往禮謁及後往詣神僧中小者抱函在前大者在後乘虛冉冉南趨高嶺白雲北迎寒露不見後經少時又見一僧東趨巖壁休追作禮遂入石中此巖數有鐘鳴依時而扣雖蒙聲相不及言令斯亦感見參差不可一准大略爲言巖穴靈異要惟虛靜必事喧雜希聞奇相矣

慧寶

按續高僧傳慧寶氏族未詳誦經二百餘卷德優先達時共知名以齊武平三年從井向鄴行達武陵川失道尋徑入山暮宿巖下室似人居迴無所見寶端坐室前上觀松樹見有橫枝懸磬去地丈餘夜至二更有人身服草衣自外而至口云此中何爲有俗氣寶卽具述敬啟與共言議問寶卽今何姓統國答曰姓高氏號齊國寶問曰尊師山居早晚曰後漢時來長老得何經業寶持己誦博頗以自矜山僧曰修道

者未應如此欲問何經爲誦之寶曰樂聞華嚴僧卽少時誦之便度聲韻諸暢非世間更令誦餘率皆如此寶驚歎曰何因大部經文條然卽度報曰汝是有作心我是無作心夫忘懷於萬物者彼我自得其矣寶知爲神異也求哀乞住山僧曰國中利養名汝何能自安且汝情累未遣住亦無補至曉便捨去寶遂返尋行迹達鄴叙之

僧雲

按續高僧傳僧雲不知何人也辯聰詞令備明大小崇附齋講恆以常任齊鄆盛昌三寶雲著名焉住寶明寺襟帶衆理以四月十五日臨說戒時僧並集堂雲居上首乃白衆曰戒本防非人人誦得何勞煩衆數數聞之可令一僧監義令後生開悟雲氣格當時無敢抗者咸從之迄於夏末常廢說戒至七月十五日旦將昇草坐失雲所在大衆以新歲未受交廢自恣一時崩騰四出追覓乃於寺側三里許於古塚內得之遍體血流如刀割處借問其故云有一丈夫執三尺大刀厲色驅雲改變布薩妄充監義刀膺身形痛毒難忍因接還寺竭情懺悔乃經十載說戒布薩讀誦衆經以爲常業臨終之日異香迎之神色無亂欣然而卒時咸嘉其卽世懲革不墜彝倫云

僧遠

按續高僧傳僧遠不知何人住梁州薛寺爲性疎誕不修細行好追隨流宕歡酣爲任以齊武平三年夢見大人切齒責之曰汝是出家人面目如此遽縱造惡何不取鏡自照遠忽覺驚悸流汗至曉以盆水自映乃見眼邊烏黯謂是垢汗便洗拭之眉毛一時隨

手落盡因自咎責奈何遭此殃謫遂改革常習返形易性敝衣破履一食長齋遵奉律儀昏曉行悔悲淚交注經一月餘日又夢前人含笑謂曰知過能改是謂智乎救汝前愆勿復相續忽驚喜而覺流汗遍身面目津潤眉毛漸出遠頻感兩報信知三世自後竭精奉法中不暫怠卒為練行僧也鄉川所歸終於本土

眞五

按續高僧傳眞玉姓董氏青州益都人生而無目其母哀其不見年至七歲教彈琵琶以爲窮乏之計而天性俊悟聆察若經不盈旬日便洞音曲後鄉邑大集盛典齋講母攜玉赴會一聞欣領曰若恆預聽終作法師不憂匱餒矣母聞之欲成斯大業也乃棄其家務專將赴講無間風雨間關必期相續玉包略詞旨氣懾當鋒年將壯室振名海岱後遭母憂捨法還家廬於墓側哀毀過禮茹荼奉齋伏以持操五年野宿鄉黨重之後服闋附道修整前業覽卷便講無所凝滯預聞徒侶相次歸焉齊天保年中文宣皇帝盛弘講席海內髦彥咸聚天平於時義學星羅跨轡相架玉獨標稱首登座談叙罔不歸宗盡諦窮神煥然開發者年前達稽首崇仰遂使道俗奔隨酌衢樽而不竭矣一會往復者別經十年聞聲卽憶其名義斯總持之功莫與尚也常徒學士幾百千人晤對行止了知心性誠助之勤彌隆餘哲生來結誓願終安養常令侍者讀經玉必跪坐合掌而聽忽聞東方有淨蓮華佛國莊嚴世界與彼不殊乃深惟曰諸佛淨土豈限方隅人並西奔一無東慕用此執心難成廻向

便願生蓮華佛國曉夕勤到誓不久留身無珍瘵便行後事授諸弟子衣服几杖塵尾如意分部遺誥各有差降衆初不之悟也並共驚之玉曰願與運周世非可樂汝等助念蓮華佛令我得至彼岸也布薩之後便臥疾於鄴城北王家神氣無昧聲相如常近京大德並就問疾午後忽見煙雲相糾從東而來異香繚遶充塞庭宇空中出聲有如讚唄之響清亮宛然當爾之時足漸向冷口猶誦念少時而卒卒後十日香氣乃絕大衆哀仰如臨雙樹王氏昆季俱制衰絰與諸門人收其屍而葬焉

慧嵩

按續高僧傳慧嵩未詳氏族高昌國人其國本沮渠涼王避地之所故其宗族皆通華夏之文軌焉嵩少出家聰悟敏捷開卷輒尋便了中義潛蘊元肆九軌雜心時爲彼國所重嵩兄爲博士王族推崇雅重儒林未欽佛理觀嵩英鑒勸令反俗教以義方嵩曰腐儒小智未足歸賞固當同諸精柏餘何可論兄頻遮礙乃以易林祕隱問之嵩初不讀俗典執卷開剖挺出前聞兄雖異之殊不信佛法之博要也嵩以毗曇一偈化合解之停滯兩月妄釋紛紜乃有其言全乖理義嵩總非所述聊爲一開冷然神悟便大崇信佛法博通元奧乃恣其遊涉於時元魏末齡大演經教高昌王欲使釋門更闢乃獻嵩并弟隨使人朝高氏作相深相器重時智遊論師世稱英傑嵩乃從之聽毗曇成實領牒文旨信重當時而位處沙彌更搖聲略及進具後便登元座開判經語雅會機緣乃使鋒銳効敵師依接足既學成望遠本國請還嵩曰以吾

之博達義非邊鄙之所資也旋還鄴洛弘導爲宗後又重徵嵩固執如舊高昌乃夷其三族嵩聞之告其屬曰經不云乎三界無常諸有非樂况復三途八苦由來所經何足怪乎及高齊天保革命性新上統衆望見重宣帝嵩以慧學騰譽類以法義陵之乃徙於徐州爲長年僧統仍居彭沛大闡宏猷江表河南率遵聲教卽隋初志念論師之祖承也以天保年卒於徐州

僧範

按續高僧傳僧範姓李氏平鄉人也幼遊學羣書年二十三備通疏略至於七曜九章天文策術諸無再悟徒侶萬千抵掌解頤誇矜折角時人語曰相州李洪範解徹深義鄴下張賓生領悟無遺斯言誠有旨矣兼以年華召美都無仇儼之心思附法門燒指而修供養年二十九棲遲下邑聞講涅槃輒試一聽開悟神府理思兼通乃知佛經之祕極也遂投鄴城僧始而出家焉初學涅槃經盡其致又棲心林慮靜其浮情復向洛下從獻公聽法華華嚴宗匠前修是非衝衡後從轍光師而受道焉究味虛宗歲紀遷貿既窮筌相學志無新乃出遊開化利安齊魏每法筵一舉聽衆千餘速旋趾鄴都司謂當時明匠遂使崔觀注易詒之取長宗景造歷求而捨短大儒徐遵明李寶頂等一見信於言前授以菩薩戒法五衆歸之如市講華嚴十地地持維摩勝鬘各有疏記復變疏引經製成爲論故涅槃大品等並稱論焉地持十部獨名述也然屬詞繁壯不偶世情亦是一家之作故可觀採而言行相輔詳微屢降客有膠州刺史杜謁

於鄴顯義寺請範冬講至華嚴六地忽有一鴈飛下從浮圖東順行入堂正對高座伏地聽法講散徐出還順塔西徧乃翔逝又於此寺夏講雀來在坐西南伏聽終於九旬又會處濟州亦有一鳥飛來入聽訖講便去斯諸祥感衆矣自非道洽冥符何能與此嘗講華嚴輒有一僧加毀云是乃伽斗竟何所解當夜有神加打死而復蘇其見聞者皆深敬異嘗宿他寺意欲聞戒有僧昇座將欲豎義乃曰豎論法相深會聖言何勞布薩僧常聞耳忽見一神形高丈餘貌甚雄峻來到座前問豎義者今是何日答曰是布薩日神即以手搭之曳於座下委頓垂死次問上座搭曳同前由是自勵至終僧事私緣竟無說欲乃至疾重輿而就僧將終之日延像入房下牀跪地惟悔宿觸而已時當正午遺誠而卒於鄴東大覺寺時春秋八十即天保六年三月二日也初範背儒入釋崇信日增寂想空門不緣世務口無流略之語身絕非法之遊隨得財賄即施門人衣食有無未會宜述安忍善惡喜惡不形洗穢奉禁終始如一而留意華嚴爲來報之業夜禮千佛爲一世常資末歲年事既隆身力不濟猶依六時叩頭枕上自有英悟之量罕能繼者而感通靈異則事全難准云

雲遊

按續高僧傳雲遊姓程氏河北人少厭世網投法光出家而容色盛美堂堂然也恐染戒淨還俗焉資學既明允當時寄有魏擢爲員外郎二十有三情背朝官復依光公以爲師保光以舊事捨而不度還跪啓曰今沒命皈依遠崇至道如不允副必從邪見壞

及三寶光審其情至即度而授戒因從稟學功踰一紀大乘頓教法界心源並披析義理挺超匠手無異筆而化人成己故談運有續而章疏闕焉初出家行洛下流行齊楚晉魏乃至燕趙通傳道務攝治相襲丞相陰陞王肱深器之德勳貴重心奉禮年餘七十舉爲國都尋轉爲統後少覺有疾便坐誦維摩勝鬘卷了命終卒於鄴下時年八十有五承化門人罕繼其後初遵賦志清高無爲立性奏帷開戶標樹方遠形無差涉口不俗談動靜自嚴不假方便而敬愛宗師罕儔儔侶光師終日遊在齊州初聞京闕不覺從牀而墜口中流血其誠孝動人如此之類也多遊念慧有得機緣溫講而終業矣

惠順

按續高僧傳惠順姓崔齊人侍中崔光之弟也少愛儒宗統知雅趣長厭塵網爲居士焉初聽涅槃略無遺義因講而睡聞有言曰此解乃明猶未爲極心遂遲疑伺決其病承都下有光律師者廣涉大乘文無不曉因往洛陽時年二十有五即投光而出家焉寓於門下纂修地旨倦無終食歲紀相尋證教兩途銳鏡於心內三持三聚影現於神外博見融冶陶然有餘講十地地持華嚴維摩並立疏記年將知命欲以大法弘利本鄉即傳歸戒情無不恆隨有講會衆必千餘精誠之響廣流東夏故齊趙瀛冀有奉信者咸稟其風焉僕射祖孝徵飲尚厥德奏爲國都年七十有二終於鄴下之總持寺當終之日身心清卓專念平等而爲心印然順族曹清華言誠世範惠解騰譽事義深沉而志存順法不局一方衣略鮮華食無兼

味受施尋散情關愛憎形寄任緣未依復臘進止在益不顧己損言行適時不與物評故傳者具舒不敢遺其事行矣

道憑

按續高僧傳道憑姓韓平思人十二出家投貴鄉邵寺初誦維摩經自惟歷覽日計四千四百言一聞無忘乃通數部後學涅槃略觀遠節復尋成實初得半文便豎大義聰明之舉無異昔人致使遐邇聞風咸思頂謁七夏欲講涅槃惟日文一釋異情理難資恐兼虛謬誇法誠重八夏既登遂行禪境漳滏伊洛徧討嘉猷後於少林寺攝心夏坐問道之僧披榛而至開光師弘揚戒本因往聽之涉悟大乘深副情願經停十載聲聞漸高乃辭光通法弘化趙魏傳燈之美罕有斯焉講地論涅槃華嚴四分皆覽卷便講目不尋文章疏本無手不舉筆而開塞任情吐納清爽洞會詮旨有若證焉故京師語曰憑師法相上公文句一代希寶斯言信矣時人以其口辯方於身子也以齊天保十年三月七日卒於鄴城西南寶山寺春秋七十有二將終之前大鐘兩口小觸而破康存之日願生安養故使臨終光尋滿室憑獨見之異香充庭大衆皆美初憑之處道弘護居心經律遺講福智雙習骨族血親往來頓絕勢貴豪家全無遊止而乞食自資少所恆習祖肩洗淨老而彌固堅臂無服生死齊焉兼以心緣口授杜於文相者古今絕矣

靈詢

按續高僧傳靈詢姓傅氏漁陽人也少年入道學成實論并涅槃經窮其幽府又於論中刪要兩卷注而

釋之盛行於世後棄小道崇仰光公曉夕研尋十有餘載纖旨秘教備知通塞雖博知羣籍而擅出維摩兼有疏記至遷京漳郭遊歷燕趙化露四衆邪正分焉而書畫有功頗愛篇什文筆之華時所推舉美容貌善風儀詞辯雅淨聽者無撓初爲國都魏末爲并州僧統齊初卒於晉陽時年六十九矣

法上

按續高僧傳法上姓劉氏朝歌人也五歲入學七歲通章六歲隨叔寺中觀戲情無鼓舞但禮佛讀經而聲氣爽拔衆人奔遠傾渴觀聽年登八歲略覽經誥博盡其理九歲得涅槃經披而誦之即生厭世至於十二投禪師道業而出家焉因遊相土尋還汲鄆又往東都棲皇務道神氣高爽照曉詞論所在推之咸謂聖沙彌也後潛林慮上胡山寺誦維摩法華纔淡二旬兩部俱度因誦求解還入洛陽博洞清元名聞伊洛年暨學歲創講法華調抗疑難無不歎伏善機問好徵覈決通非據昌言勝負而形色非美故時人諺曰黑沙彌若來高座逢災也後值時儉衣食俱乏專意涅槃無心饑凍故一粒之米加之以菜一衣爲服兼之以草練形將盡而精神日進乃投光師而受具焉性戒風成不勞師導勤勵諦理無失寸陰忽聞父病尋往觀之既至即殂一宿同止明旦起洛度母及姊將入鄴都時屬大荒投寄無措聽法心猛委而南旋夏聽少林秋還漳岸母子相見不覺潸然既悲兼有聞衆皆陳請乃講十地地持楞伽涅槃等部輪次相續並著文疏又偏洞弄數明了機調綱紀法化難繼其塵故時人語曰京師極望道場法上斯言允

矣年階四十遊化懷衛爲魏大將軍高澄奏入在鄴微言一鼓衆侶雲屯但上戒山峻峙慧海澄深德可軌人咸能肅物故魏齊二代歷爲統師昭元一曹純掌僧錄令史員置五十許人所部僧尼二百餘萬而上綱領將四十年道俗歡愉朝廷胥悅所以四萬餘寺咸蒙其風崇護之基罕有繼影既道光還燭乃下詔爲戒師文宣帝布髮於地令上踐焉天保二年又下詔曰仰惟慈明輯寧四海欲報之德正覺是憑諸鷲鳥傷生之類宜放於山林即以此地爲太皇太后經始寶塔廢鷹師曹爲報德寺即碎蕩邪霧載清佛海當時昌盛自古推焉上總擔荷並得輯諸內外闡揚早白咸允非斯柱石孰此棟梁哉且而景行既宣逸響遐被致有高句麗國大丞相王高德乃深懷正法崇重大乘欲播此釋風被於海曲然莫測法教始末緣由西徂東壤年三十帝代故具錄事條遣僧向鄴啓所未聞事叙略云釋迦文佛入涅槃來至今幾年又於天竺幾年方到漢地初到何帝年號是何又齊陳佛法誰先傳告從爾至今歷幾年帝遣請具注并問十地智論等人法所傳上答略云佛以姬周昭王二十四年甲寅歲生十九出家三十成道當穆王二十四年癸未之歲穆王聞西方有化人出使即西入而竟不還以此爲驗四十九年在世滅度已來至今齊代武平七年丙申凡經一千四百六十五年後漢明帝永平十年經法初來魏晉相傳至今流布上廣答緣緒文極指訂今略舉梗槩以示所傳未敷住相州定國寺而容德顯著感供繁多所得施利造一山寺本名合水即鄴之西山今所謂修定寺是也

山之極頂造彌勒堂衆事莊嚴備殫華麗四事供養百五十僧及齊破法湮不及山寺上私隱俗服習業如常願若終後觀觀慈尊如有殘年願見隆法更一項禮慈氏如來而業行精專幽明咸遂屬隋運將動佛日潛離深果宿心喜遍心府形羸微爲設坐之架裝覆頭弟子扛舉往昇山寺合掌三禮右遶三周便還山舍誦維摩勝鬘卷訖而卒於合水故房春秋八十有六即周大象二年七月十八日也上形量過人峒然衆表百千衆中孤超預現衣服率素納補爲宗五條祇支由來以布衣法瓶鉢以外更無餘財生不履兼步以畢命門人成任任情所學不私己業遍用訓人言常含笑罪不加杖自上未任已前儀服通混一知綱統制樣別行使夫道俗兩異上有功焉制寺立淨亦始於此故釋門東敞能扇清風莫與先矣初天保之中國置十統有司開奏事須覲異文宣乃手注狀云上法師可爲大總統爲通統故帝之特遇事之如佛凡所吐言無不承用又遵重戒禁頗常宣說盡報行之每至布薩晨旦致厚供設禮請僧及年高聲變恐煩於衆歲暮之夕猶遵此法其奉信也如此撰增一數法四十卷並略諸經論所有名教始從一法十百千萬有若數林實傳持之要術也又著佛性論二卷大乘義章六卷文理冲洽詳略有聞又撰衆經錄一卷包舉品類耳並行於世

道愼

按續高僧傳道愼姓史高陽人十四出家誦聽依業受具已後入洛從光師學於地論後稟上統而志涅槃性度虛簡風量閑然綱網門徒維攝大法而爲己